

AUGLÝSING

um sameiningu Fróðárhrepps í Snæfellsnes- og Hnappadalssýslu við Ólafsvíkurkaupstað.

Á grundvelli 2. mgr. 5. gr. sveitarstjórnarlaga nr. 8/1986 hefur félagsmálaráðuneytið ákveðið að sameina Fróðárhrepp í Snæfellsnes- og Hnappadalssýslu og Ólafsvíkurkaupstað í eitt sveitarfélag. Ákvörðun þessi er í samræmi við tillögur nefndar, sem skipuð var samkvæmt 107. gr. sveitarstjórnarlaga. Vegna sameiningar þessarar hefur ráðuneytið ákveðið eftirfarandi:

1. Nafn hins nýja sveitarfélags verður Ólafsvíkurkaupstaður.
2. Ólafsvíkurkaupstaður hinn nýi skal taka yfir allt það land sem nú tilheyrir Fróðárhreppi og Ólafsvíkurkaupstað.
3. Íbúar Fróðárhrepps og Ólafsvíkurkaupstaðar skulu vera þegnar hins nýja Ólafsvíkurkaupstaðar.
4. Eignir, skuldir, skyldur og réttindi sem tilheyra hvoru sveitarfélagi, Fróðárhreppi og Ólafsvíkurkaupstað, skulu falla til hins nýja sveitarfélags.
5. Skjöl og bókhaldsgögn Fróðárhrepps skulu afhent Ólafsvíkurkaupstað til varðveislu.
6. Sveitarstjórn sú, sem kjörin var í Ólafsvíkurkaupstað í kosningum þeim, er fram fóru 31. maí 1986, skal vera löglega kjörin sveitarstjórn hins nýja Ólafsvíkurkaupstaðar. Kjörtími hennar er til næstu almennu sveitarstjórnarkosninga.
7. Sameiningin skal taka gildi 1. apríl 1990.

Félagsmálaráðuneytið, 16. mars 1990.

Jóhanna Sigurðardóttir.

Húnbogi Þorsteinsson.

AUGLÝSING

um sameiningu Seyðisfjarðarhrepps í Norður-Múlasýslu við Seyðisfjarðarkaupstað.

Á grundvelli 2. mgr. 5. gr. sveitarstjórnarlaga nr. 8/1986 hefur félagsmálaráðuneytið ákveðið að sameina Seyðisfjarðarhrepp í Norður-Múlasýslu og Seyðisfjarðarkaupstað í eitt sveitarfélag. Ákvörðun þessi byggir á tillögum nefndar, sem skipuð var samkvæmt 107. gr. sveitarstjórnarlaga. Vegna sameiningar þessarar hefur ráðuneytið ákveðið eftirfarandi:

1. Nafn hins nýja sveitarfélags verður Seyðisfjarðarkaupstaður.
2. Hið nýja sveitarfélag skal taka yfir allt það land, sem nú tilheyrir Seyðisfjarðarhreppi og Seyðisfjarðarkaupstað.
3. Íbúar Seyðisfjarðarhrepps og Seyðisfjarðarkaupstaðar skulu vera þegnar hins nýja sveitarfélags.
4. Eignir, skuldir, skyldur og réttindi sem tilheyra hvoru sveitarfélagi, Seyðisfjarðarhreppi og Seyðisfjarðarkaupstað, skulu falla til hins nýja sveitarfélags.
5. Skjöl og bókhaldsgögn skulu afhent Seyðisfjarðarkaupstað til varðveislu.

6. Sveitarstjórn sú, sem kjörin var í Seyðisfjarðarkaupstað í kosningum þeim sem fram fóru 31. maí 1986, skal vera löglega kjörin sveitarstjórn hins nýja sveitarfélags. Kjörtími hennar er til næstu almennu sveitarstjórnarkosninga.
7. Sameiningin skal taka gildi 1. apríl 1990.

Félagsmálaráðuneytið, 16. mars 1990.

Jóhanna Sigurðardóttir.

Húnbogi Þorsteinsson.

Nr. 135

ÁRSREIKNINGUR

Verðbréfafélags Íslands 1989.

Rekstursyfirlit 14. mars – 31. desember 1989.

| | Tekjur: | Kr. |
|---------------------|--------------------|----------------|
| Árgjöld | | 103 500 |
| Sölugjöld | | 477 690 |
| | <u>Tekjur alls</u> | <u>581 190</u> |

| | Gjöld: | |
|------------------------------------|----------------------------|----------------|
| Laun og launatengd gjöld | | 69 010 |
| Ýmis rekstrargjöld | | 13 171 |
| Vaxtagjöld | | 249 384 |
| Afskriftir | | 396 800 |
| | <u>Gjöld alls</u> | <u>728 365</u> |
| | <u>Gjöld umfram tekjur</u> | <u>147 175</u> |

Efnahagsyfirlit pr. 31. desember 1989.

| | Eignir: | |
|------------------------------------|--------------------|------------------|
| Innstæða í Seðlabankanum | | 101 400 |
| Vélbúnaður | | 685 650 |
| Hugbúnaður | | 1 739 025 |
| Inneign hjá þingaðilum | | 183 893 |
| | <u>Eignir alls</u> | <u>2 709 968</u> |

| | Skuldir og eigið fé: | |
|--------------------------|---------------------------------|------------------|
| Skuldabréfalán | | 1 600 000 |
| Höfuðstóll: | | |
| Stofnframlög | 1 257 143 | |
| Tap á árinu | -147 175 | 1 109 968 |
| | <u>Skuldir og eigið fé alls</u> | <u>2 709 968</u> |